

萬 有 文 庫

第 二 集 七 百 七 種

王 雲 五 主 編

西 遊 記

(一)

吳 承 恩 撰

商 務 印 書 館 發 行

西遊記
(一)

國學基本叢書

序

三教聖人之書。吾皆得而讀之矣。東魯之書。存心養性之學也。函關之書。修心鍊性之功也。西竺之書。明心見性之旨也。此心與性。放之則彌於六合。卷之則退藏於密。其揆一也。而莫奇於佛說。吾嘗讀華嚴一部而驚焉。一天下也。分而爲四。一世界也。界而爲小千中千大千。天一而已。有忉利夜摩諸名。地一而已。有歡喜離垢諸名。且有輪圍山香水海風輪寶燄日月風雨宮殿園林香花鬘蓋金銀琉璃摩尼之類。無數無量無邊。至於不可說不可說。總以一言蔽之曰。一切惟心造而已。後人有西遊記者。殆華嚴之外篇也。其言雖幻。可以喻大。其事雖奇。可以證真。其意雖游戲三昧。而廣大神通具焉。知其說者。三藏卽菩薩之化身。行者八戒沙僧龍馬。卽梵釋天王之分體。所遇牛魔王力諸物。卽阿修羅迦樓羅緊那羅摩睺羅伽之變相。由此觀之。十萬八千之遠。不過一由旬。十四年之久。不過一刹那。八十一難。正五十三參之反。對三十五部。亦四十二字之餘文也。蓋天下無治妖之法。惟有治心之法。心治則妖治。記西遊者。傳華嚴之心法也。雖然。吾於此有疑焉。夫西遊取經。如來教之也。而世傳爲邱長春之作。元史邱處機傳稱爲神仙宗伯。何慕乎西遊。豈空空玄元有殊塗同歸者耶。然長春微意。引而不發。今有悟一子陳君起而詮解之。於是鉤參同之機。抉悟真之奧。收六通於三寶。運十度於五行。將見修多羅中有爐鼎焉。優曇鉢中有梨棗焉。阿闍黎中有嬰兒姪女焉。彼家採戰。此家燒丹。皆波旬說。非佛說也。佛說如是奇矣。更有奇者。合二氏之妙。而通之於易。開以乾坤。交以離坎。乘以垢復。終以旣濟未濟。遂使太極兩儀。四象八卦。三百八

十四爻。皆會歸於西遊一部。一陰一陽。一闢一闔。其爲變易也。其爲不易也。吾烏乎名之哉。然則樊之名。玄也。空能淨之名。悟也。兼佛老之謂也。舉夫子之道。一以貫之。悟之所以真夫一也。然老子曰。道生一。佛子曰。萬法歸一。一而三。三而一者也。以悟一之書。告之三教聖人。必有相視而笑者。昌黎先生有云。老者曰。孔子吾師之弟子也。佛者曰。孔子吾師之弟子也。孔子者。習聞其說。亦曰。吾師亦嘗師之云爾。吾師乎。吾不知其爲誰乎。若悟一者。豈非三教一大弟子乎。吾故曰。若解西遊記者。聖人之徒也。

康熙丙子中秋西堂老人尤侗撰序

目錄

卷一

- | | | |
|------|----------|----------|
| 第一回 | 靈根育孕源流出 | 心性修持大道生 |
| 第二回 | 悟徹菩提真妙理 | 斷魔歸本合元神 |
| 第三回 | 四海千山皆拱伏 | 九幽十類盡除名 |
| 第四回 | 官封弼馬心何足 | 名注齊天意未寧 |
| 第五回 | 亂蟠桃大聖偷丹 | 反天宮諸神捉怪 |
| 第六回 | 觀音赴會問原因 | 小聖施威降大聖 |
| 第七回 | 八卦爐中逃大聖 | 五行山下定心猿 |
| 第八回 | 我佛造經傳極樂 | 觀音奉旨上長安 |
| 第九回 | 陳光蕊赴任逢災 | 江流僧復讐報本 |
| 第十回 | 老龍王拙計犯天條 | 魏丞相遺書託冥吏 |
| 第十一回 | 遊地府太宗還魂 | 進瓜果劉全續配 |
| 第十二回 | 玄奘秉誠建大會 | 觀音顯象化金蟬 |
| 第十三回 | 陷虎穴金星解厄 | 雙叉嶺伯欽留僧 |

第十四回 心猿歸正

六賊無蹤

第十五回 蛇盤山諸神暗佑

鷹愁澗意馬收韁

第十六回 觀音院僧謀寶貝

黑風山怪竊袈裟

第十七回 行者大鬧黑風山

觀音收伏熊羆怪

第十八回 觀音院唐僧脫難

高老莊行者降魔

第十九回 雲棧洞悟空收八戒

浮屠山玄奘受心經

第二十回 黃風嶺唐僧有難

半山中八戒爭先

第二十一回 護法設莊留大聖

須彌靈吉定風魔

第二十二回 八戒大戰流沙河

木吒奉法收悟淨

第二十三回 三藏不忘本

四聖試禪心

第二十四回 萬壽山大仙留故友

五莊觀行者竊人參

第二十五回 鎮元仙趕捉取經僧

孫行者大鬧五莊觀

卷二

第二十六回 孫悟空三島求方

觀世音甘泉活樹

第二十七回 尸魔三戲唐三藏

聖僧恨逐美猴王

第二十八回 花果山羣猴聚義

黑松林三藏逢魔

- | | | |
|-------|---------|---------|
| 第二十九回 | 脫難江流來國土 | 承恩八戒轉山林 |
| 第三十回 | 邪魔侵正法 | 意馬憶心猿 |
| 第三十一回 | 豬八戒義激猴王 | 孫行者智降妖怪 |
| 第三十二回 | 平頂山功曹傳信 | 蓮花洞木母逢災 |
| 第三十三回 | 外道迷真性 | 元神助本心 |
| 第三十四回 | 魔頭巧算困心猿 | 大聖騰挪騙寶貝 |
| 第三十五回 | 外道施威欺正性 | 心猿獲寶伏邪魔 |
| 第三十六回 | 心猿正處諸緣伏 | 劈破旁門見月明 |
| 第三十七回 | 鬼王夜謁唐三藏 | 悟空神化引嬰兒 |
| 第三十八回 | 嬰兒問母知邪正 | 金木參元見假真 |
| 第三十九回 | 一粒金丹天上得 | 三年故主世間生 |
| 第四十回 | 嬰兒戲化禪心亂 | 猿馬刀圭木母空 |
| 第四十一回 | 心猿遭火敗 | 木母被魔擒 |
| 第四十二回 | 大聖慇懃拜南海 | 觀音慈善縛紅孩 |
| 第四十三回 | 黑河妖孽擒僧去 | 西洋龍子捉鼉回 |
| 第四十四回 | 法身元運逢車力 | 心正妖邪度脊關 |

第四十五回 三清觀大聖留名

車遲國猴王顯法

第四十六回 外道弄強欺正法

心猿顯聖滅諸邪

第四十七回 聖僧夜阻通天水

金木垂慈救小童

第四十八回 魔弄寒風飄大雪

僧思拜佛履層冰

第四十九回 三藏有災沈水宅

觀音救難現魚籃

第五十回 情亂性從因愛慾

神昏心動遇魔頭

卷二

第五十一回 心猿空用千般計

水火無功難鍊魔

第五十二回 悟空大鬧金嶼洞

如來暗示主人公

第五十三回 禪主吞餐懷鬼孕

黃婆運水解邪胎

第五十四回 法性西來逢女國

心猿定計脫煙花

第五十五回 色邪淫戲唐三藏

性正修持不壞身

第五十六回 神狂誅草寇

道昧放心猿

第五十七回 真行者落伽山訴苦

假猴王水簾洞謄文

第五十八回 二心攪亂大乾坤

一體難修真寂滅

第五十九回 唐三藏路阻火燄山

孫行者一調芭蕉扇

- 第六十回 牛魔王罷戰赴華筵
孫行者二調芭蕉扇
- 第六十一回 豬八戒助力破魔王
孫行者三調芭蕉扇
- 第六十二回 滌垢洗心惟掃塔
縛魔歸正乃修身
- 第六十三回 二僧蕩怪鬧龍宮
羣聖除邪獲寶貝
- 第六十四回 荆棘嶺悟能努力
木仙菴三藏談詩
- 第六十五回 妖邪假設小雷音
四衆皆遭大厄難
- 第六十六回 諸神遭毒手
彌勒縛妖魔
- 第六十七回 拯救陀羅禪性穩
脫離穢污道心清
- 第六十八回 朱紫國唐僧論前世
孫行者施爲三折肱
- 第六十九回 心主夜間修藥物
君王筵上論妖邪
- 第七十回 妖魔寶放烟沙火
悟空計盜紫金鈴
- 第七十一回 行者假名降怪犼
觀音顯像伏妖王
- 第七十二回 盤絲洞七情迷本
濯垢泉八戒忘形
- 第七十三回 情因舊恨生災毒
心主遭魔幸破光
- 第七十四回 長庚傳報魔頭惡
行者施爲變化能
- 第七十五回 心猿鑽透陰陽竅
魔王還歸大道真

卷四

- | | | |
|-------|----------|----------|
| 第七十六回 | 心神居舍魔歸性 | 木母同降怪體真 |
| 第七十七回 | 羣魔欺本性 | 一體拜真如 |
| 第七十八回 | 比丘憐子遣陰神 | 金殿識魔談道德 |
| 第七十九回 | 尋洞擒妖逢老壽 | 當朝正主救嬰兒 |
| 第八十回 | 姹女育陽求配偶 | 心猿護主識妖邪 |
| 第八十一回 | 鎮海寺心猿知怪 | 黑松林三衆尋師 |
| 第八十二回 | 姹女求陽 | 元神護道 |
| 第八十三回 | 心猿識得丹頭 | 姹女還歸本性 |
| 第八十四回 | 難滅伽持圓大覺 | 法王誠正體天然 |
| 第八十五回 | 心猿妒木母 | 魔王計吞禪 |
| 第八十六回 | 木母助威征怪物 | 金公施法滅妖邪 |
| 第八十七回 | 鳳仙郡冒天致旱 | 孫大聖勸善施霖 |
| 第八十八回 | 禪到玉華施法會 | 心猿木土授門人 |
| 第八十九回 | 黃獅精虛設釘鈹會 | 金木土計鬧豹頭山 |
| 第九十回 | 師獅授受同歸一 | 盜道纏禪靜九靈 |

- | | | |
|-------|---------|---------|
| 第九十一回 | 金平府元夜觀燈 | 玄英洞唐僧供狀 |
| 第九十二回 | 三僧大戰青龍山 | 四星挾捉犀牛怪 |
| 第九十三回 | 給孤園問古談因 | 天竺國朝王遇偶 |
| 第九十四回 | 四僧宴樂御花園 | 一怪空懷情慾喜 |
| 第九十五回 | 假合形骸擒玉兔 | 真陰歸正會靈元 |
| 第九十六回 | 寇員外喜待高僧 | 唐長老不貪富貴 |
| 第九十七回 | 金酬外護遭魔毒 | 聖顯幽魂救本原 |
| 第九十八回 | 猿熟馬馴方脫殼 | 功成行滿見真如 |
| 第九十九回 | 九九數完魔剗盡 | 三三行滿道歸根 |
| 第一百回 | 徑回東土 | 五聖成真 |

西遊記卷一

山陰悟一子陳士斌允生甫詮解

第一回 靈根育孕源流出 心性修持大道生

詩曰

混沌未分天地亂。茫茫渺渺無人見。自從盤古破鴻濛。開闢從茲清濁辨。覆載羣生仰至仁。發明萬物皆成善。欲知造化會元功。須看西遊釋厄傳。

蓋聞天地之數。有十二萬九千六百歲爲一元。將一元分爲十二會。乃子丑寅卯辰巳午未申酉戌亥之十二支也。每會該一萬八千歲。且就一日而論。子時得陽氣。而丑則雞鳴。寅不通光。而卯則日出。辰時食後而已。則挨排日午天中。而未則西蹉。申時晡而日落。酉戌黃昏。而人定亥。譬於大數。若到戌會之終。則天地昏朦。而萬物否矣。再去五千四百歲。交亥會之初。則當黑暗。而兩間人物俱無矣。故曰混沌。又五千四百歲。亥會將終。貞下起元。近子之會。而復逐漸開明。邵康節曰。冬至子之半。天心無改移。一陽初動處。萬物未生時。到此天始有根。再五千四百歲。正當子會。輕清上騰。有日有月。有星有辰。日月星辰。謂之四象。故曰天開於子。又經五千四百歲。子會將終。近丑之會。而逐漸堅實。易曰。大哉乾元。至哉坤元。萬物資生。乃順承天。至此地始凝結。再五千四百歲。正當丑會。重濁下凝。有水有火。有山有石。有土。水火山石土。

謂之五形。故曰地闢於丑。又經五千四百歲。丑會終。而寅會之初。發生萬物。歷曰天氣下降。地氣上升。天地交合。羣物皆生。至此天清地爽。陰陽交合。再五千四百歲。正當寅會。生人生獸生禽。正謂天地人三才定位。故曰人生於寅。蓋盤古開闢三皇治世。五帝定倫。世界之間。遂分爲四大部洲。曰東勝神洲。曰西牛賀洲。曰南瞻部洲。曰北俱蘆洲。這部書單表東勝神洲。海外有一國土。名曰傲來國。國近大海。海中有一座名山。喚爲花果山。此山乃十洲之祖脈。三島之來龍。那山頂上有一塊仙石。其石有三丈六尺五寸高。按周天三百六十五度。有二丈四尺圍圓。按政歷二十四氣。上有九竅八孔。按九宮八卦。自開闢以來。每受天真地秀。日精月華。感之既久。遂有靈通之意。內育仙胎。一日迸裂。產一石卵。似圓毬樣大。因見風化作一個石猴。五官俱備。四肢皆全。便就學爬學走。拜了四方。目運兩道金光。射沖斗府。驚動高天上聖玉帝。駕座金闕雲宮。靈霄寶殿。聚集仙卿。見有金光燄燄。卽命千里眼順風耳。開南天門觀看。二將須臾回報道。金光之處。乃東勝神洲傲來國花果山。山上有一仙石。石產一卵。見風化一石猴。在那裏拜四方。眼運金光。射沖斗府。如今服餌水食。金光將潛息矣。玉帝垂恩曰。下方之物。乃天地精華所生。不足爲異。那猴在山中。卻會行走跳躍。食草木。飲澗泉。採山花。覓樹果。與猿鶴爲伴。麋鹿爲羣。夜宿石崖。朝遊峰洞。真是山中無甲子。寒盡不知年。一朝天氣炎熱。與羣猴避暑。都在松陰之下。頑耍了一會。卻去那山澗中洗澡。見那股澗水奔流。真個是滾滾湧湧。衆猴都道。這股水不知是那裏的水。我們今日趁閒。順澗邊往上溜頭。尋看源流。耍子去耶。喊一聲。衆猴一齊跑來。順澗爬山。直至源流之處。乃是一股瀑布飛泉。衆猴拍手稱揚道。好水好水。那一個有本事的。鑽進去尋個源頭出來。不傷身體者。我等卽拜他爲王。連呼了三

聲忽見叢雜中跳出一個石猴。高叫道：「我進去，我進去，好猴！你看他瞑目蹲身，將身一縱，徑跳入瀑布泉中。忽睜睛攬頭觀看，那裏邊卻無水無波，明明朗朗的一座鐵板橋。橋下之水，沖貫於石竅之間，倒掛流出去，遮閉了橋門。又上橋頭再看，卻似人家住處一般。好個所在，看罷多時，跳過橋，左右觀看，只見正當中有一石碣，碣上鐫著花果山福地，水簾洞洞天。石猴喜不自勝，復瞑目蹲身，跳出水外，打了兩個呵欠，道：「大造化，大造化！衆猴圍住問道：『裏面怎麼樣？』水有多深？』石猴道：『沒水沒水，原來是一座鐵板橋。』橋那邊是一座天造地設的家當。衆猴道：『怎見得是個家當？』石猴笑道：『這股水乃是橋下沖貫石竅，倒掛下來，遮閉門戶的。橋邊有花有樹，乃是一座石房。房內有石鍋石竈，石碗石盆，石牀石凳，中間一塊石碣，上鐫著花果山福地，水簾洞洞天。真個是我們安身之處。我們都進去住也，省得受老天之氣。』衆猴聽得，個個歡喜，都道：『你還先走，帶我們進去。』石猴卻又瞑目蹲身，往裏一跳，衆猴隨後也都進去了。跳過橋頭，一個個搶盆奪碗，占竈爭牀，搬過來，移過去，正是猴性頑劣，再無一個定時。只搬得力倦神疲，方止。石猴端坐上而道：『列位啊！人而無信，不知其可。你們纔說有本事進得來，出得去，不傷身體者，就拜他爲王。我如今尋了這一個洞天，與列位安眠隱睡，各享成家之福，何不拜我爲王。』衆猴聽說，卽拱服禮拜，都稱千歲大王。自此石猴高登王位，將石字兒隱了，遂稱美猴王。有詩爲證：

三陽交泰產羣生，仙石胞含日月精。
借卵化猴完大道，假他名姓配丹成。
內觀不識固無相，外合明知作有形。
歷代人人皆屬此，稱王稱聖任縱橫。

美猴王領一羣猿猴獼猴馬猴等，分派了君臣佐使，朝遊花果山，暮宿水簾洞，不入飛鳥之叢，不從走獸

之類。獨自爲王。享樂天真。何止二三百載。一日與羣猴喜宴。忽然墮下淚來。衆猴慌忙羅拜道。大王何爲煩惱。猴王道。我雖在歡喜之時。卻有一點兒遠慮。故此煩惱。衆猴又笑道。大王我等日日在仙山福地。古洞神洲。無拘無束。自由自在。乃無量之福。有何憂慮。猴王道。今日雖不干人王法律。不懼禽獸威服。將來年老血衰。暗中有閻王老子管著。一旦身亡。可不枉生世界之中。不得久住天人之內。衆猴聞言。一個個掩面悲啼。俱以無常爲慮。只見那班部中跳出一個通臂猿猴。厲聲高叫道。大王如此遠慮。真所謂道心開發也。如今五蟲之內。惟有三等名色。不服閻王老子所管。乃是佛與仙與神聖。三者躲過輪迴。不生不滅。與天地齊壽。猴王道。此三者居於何所。猿猴道。他只在閻浮世界之中。古洞仙山之內。猴王聞之。滿心歡喜道。我明日就辭汝等下山。雲遊海角。遠涉天涯。務必訪此三者。學一個不老長生。躲過閻君之難。噫。這句話。頓教跳出輪迴網。致使齊天大聖成。衆猴鼓掌稱揚。都道善哉善哉。我等明日越嶺登山。廣尋些果品。大設筵宴。送大王也。次日。衆猴果去採仙桃。摘異果。刨山藥。剷黃精。齊齊整整。擺開石凳石桌。排列仙酒仙肴。尊美猴王上坐。一個個輪流奉酒奉果。痛飲一日。次日。美猴王早起。折些枯松。編作筏子。取個竹竿作篙。獨自登筏。儘力撐開。飄飄蕩蕩。徑向大海波中。趁天風來渡。南瞻部洲地界。這一去。也是他運至時來。自登木筏之後。連日東南風緊。將他送到西北岸前。乃是南瞻部洲地界。棄了筏子。跳上岸來。只見海邊上有人捕魚。打鴈。挖蛤。淘鹽。他走近前。弄個把戲。纔個鬪虎。嚇得那些人丟筐棄網。四散奔跑。將那跑不動的。拿住一個。剝了他的衣裳。也學人穿在身上。搖搖擺擺。穿州過府。在於市廛中。學人禮。學人話。朝餐夜宿。一心裏訪問佛仙神聖之道。覓個長生不老之方。見世人都是爲名爲利之徒。更無一個爲

身命者。正是那

爭名奪利幾時休。早起遲眠不自由。騎著驢騾思駿馬。官居宰相望王侯。只愁衣食耽勞碌。何怕閻君就取勾。繼子蔭孫圖富貴。更無一個肯回頭。

猴王參訪仙道。無緣得遇。不覺八九年餘。忽行至西洋大海。他想著海外必有神仙。獨自個依前作筏。又飄過西海。直至西牛賀洲地界。登岸徧訪多時。忽見一座高山秀麗。林麓幽深。他也不怕狼蟲虎豹。直登山頂。正觀看間。忽聞得林深處有人言語。急忙穿入林中。側耳而聽。原來是歌唱之聲。歌曰。

觀棋柯爛。伐木丁丁。雲邊谷口徐行。賣薪沽酒。狂笑自陶情。蒼逕秋高對月。枕松根。一覺天明。認舊林登崖過嶺。持斧斷枯藤。收來成一擔。行歌市上。易米三升。更無些子爭競。時價平平。不會機謀巧算。沒榮辱。恬淡延生。相逢處。非仙卽道。靜坐講黃庭。

美猴王聽得滿心歡喜道。神仙原來藏在這裏。卽忙跳入裏面。看時。乃是一個樵子。在那裏舉斧砍柴。猴王近前叫道。老神仙。弟子稽首。那樵漢慌忙丟了斧。轉身答禮道。不當人。不當人。我拙漢衣食不全。怎敢當神仙二字。猴王道。你不是神仙。如何說出神仙的話來。樵夫道。我說甚麼神仙話。猴王道。我纔聽的你說。相逢處。非仙卽道。靜坐講黃庭。黃庭乃道德真言。非神仙而何。樵夫笑道。實不瞞你說。這個詞名做滿庭芳。乃一神仙教我的。那神仙與我舍下相鄰。他教我遇煩惱時。卽把這詞兒就念。散心解悶。我纔有些不足處。故此念念。不期被你聽了。猴王道。你家既與神仙相鄰。何不從他修行。學得個不老之方。樵夫道。我一生命苦。自幼父亡。母親居孀。止我一人。只得斫兩束柴薪。挑向市廛。賣錢糴米。供養老母。所以不能

修行猴王道。據你說起來。乃是一個行孝的君子。向後必有仙分。但求你指與我那神仙住處。卻好拜訪去也。樵夫道。不遠不遠。此山叫做靈臺方寸山。山中有座斜月三星洞。那洞中有一個神仙。稱名須菩提祖師。那祖師出去的徒弟。也不計其數。現今還有三四十人。從他修行。你順那條小路兒向南行七八里遠近。即是他家了。猴王用手扯住樵夫道。老兄。你便同我去去。若還得了好處。決不忘你指引之恩。樵夫道。你這漢子。甚不通變。我方纔與你說了。若我與你去了。卻不誤了我的生意。老母何人奉養。我要斫柴。你自去。猴王聽說。只得辭謝出林。找路過坡。約有七八里遠。果然望見一座洞府。挺身觀看。真好去處。只見那洞門緊閉。靜悄悄。杳無人跡。忽回頭。見崖頭立一石碑。上有十個大字。乃是靈臺方寸山。斜月三星洞。美猴王十分歡喜。看够多時。不敢敲門。且去跳上松枝梢頭。摘松子吃了頑耍。少頃間。只聽得闐的一聲。洞門開處。裏面走出一個仙童。高叫道。甚麼人在此騷擾。猴王撲的跳下樹來。上前躬身道。我是一個訪道學仙之弟子。更不敢在此騷擾。仙童笑道。你是個訪道的麼。猴王道。是。童子道。我家師父正纔下榻登壇講道。還未說出原由。就教我出來開門。說外面有個修行的來了。可去接待。想必就是你了。猴王笑道。是我。童子道。你跟我進來。這猴王整衣端肅。隨童子徑入洞天深處。一層層深閣瓊樓。珠宮貝闕。說不盡那靜室幽居。直至瑤臺之下。見那須菩提祖師。端坐在臺上。兩邊有三十個小仙侍立臺下。果然

大覺金仙沒垢姿。西方妙相祖菩提。不生不滅三三行。全氣全神萬萬慈。空寂自然隨變化。真如本性任爲之。與天同壽莊嚴體。歷劫明心大法師。